



Broj: 0101-10207-5/19
Sarajevo, 21. 02. 2020. godine

Na osnovu člana 70. stav (1), (3) i (6) Zakona o javnim nabavkama BiH („Službeni glasnik BiH“, broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku robe – Finansijski informacioni sistem, na preporuku Komisije za javnu nabavku broj: 0101-10207-4/19 od 18. 02. 2020. godine, Rektor Univerziteta u Sarajevu donosi sljedeću

O D L U K U **o izboru najpovoljnijeg ponuđača i dodjeli ugovora**

Član 1.

Prihvata se preporuka Komisije za javnu nabavku broj: 0101-10207-4/19 od 19. 02. 2020. godine i ugovor o javnoj nabavci ROBE – FINANSIJSKI INFORMACIONI SISTEM se dodjeljuje ponuđaču ORBICODE d.o.o, Emerika Bluma 15, 71000 Sarajevo, čija ukupna cijena ponude iznosi 360.000,00 bez PDV-a (slovima: tristotinešezdesethiljadaKM i 00/100), iz razloga što je u otvorenom postupku po ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Član 2.

Izabrani ponuđač ORBICODE doo, Emerika Bluma 15, 71000 Sarajevo, dostavio je ovjerene kopije ovjerene kopije dokaza traženih tačkom 13. Tenderske dokumentacije, ne starije od tri mjeseca od dana predaje Ponude.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 0101-10207-1/19 od 13. 11. 2019. godine, Univerzitet u Sarajevu je pokrenuo otvoreni postupak za javnu nabavku robe – Finansijski informacioni sistem.

Za provođenje postupka predmetne javne nabavke, Odlukom broj: 0101-10207-2/19 od 13. 11. 2019. godine, imenovana je Komisija za javnu nabavku u sastavu: predsjedavajući Elmedin Selmanović, te članovi Tihomir Veselinović, Merisa Kurtanović, Biljana Mandić i Mirnes Ibrić. Za zamjenske članove imenovani su: Minela Nuhić-Mešković, Enes Halilović i Mira Franjić.

Obavještenje o nabavci broj: 999-1-1-173-3-99/19 objavljeno je na Portalu javnih nabavki dana 29. 12. 2019. godine.

Istog dana na portalu javnih nabavki objavljena je i Tenderska dokumentacija broj: 0101-10207-3/19.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavke 11. 02. 2020. godine u 7:07 sati, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: EKAPIJA DOO, INFODOM D.O.O, BBS EUROPE, APICAL DOO, PROINTER ITSS DOO, CORE D.O.O, INSTRUMENTS, COMP-IT, LANACO DOO, COMP-2000, VERSO D.O.O, JAPET D.O.O, TRIFOLIX DOO, INFO STUDIO D.O.O, SARAJEVO, POINT COMPUTERS D.O.O, ORBICODE D.O.O, S CONSALTING D.O.O.MOSTAR, BOSNIEN BUSINESS SYSTEMS, ESTABLISH, ALGOTECH D.O.O, ELENA TR KNJIŽARA SVJETLANA CVIJANOVIĆ S.P, ORACLE BH D.O.O, XSOFT i IN2 D.O.O. SARAJEVO

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki dana 11. 02. 2020. godine u 7: sati, vidljivo je da je od strane potencijalnog ponuđača CORE D.O.O. dana 14.1.2020. godine u 12:09 sati bilo postavljeno slijedeće pitanje:

„Vezano za zahtjev 13.4.2. tenderske dokumentacije koji je dat na stranici 10, a po kojem se zahtijeva da ponuđač ima 10 članova tehničkog osoblja Projektnog tima, postoji dilema u smislu traženih dokaza. Naime, na jednom mjestu se navodi da je ponuđač dužan da dostavi izjavu da ima najmanje 10 članova tehničkog osoblja (prva rečenica na stranici 11), a zatim se u nastavku ponavlja zahtjev za dokazom u kojem se navodi da treba dostaviti izjavu o 8 članova tehničkog osoblja (druga rečenica na stranici 11). Također, zahtjevom 13.4.3. se traži dokazivanje obrazovnih i profesionalnih kvalifikacija za 8(osam) članova tehničkog osoblja.

Molim vas da nam odgovorite da li prema zahtjevu 13.4.2. treba dostavi izjavu o angažmanu 10 (deset) ili 8 (osam) članova tehničkog osoblja u Projektnom timu.“

Ugovorni organ je dana 14.1.2020. godine u 15.53 sati dao slijedeći odgovor na postavljeno pitanje:

„U skladu sa iskazanim u Tenderskoj dokumentaciji, trebate dostaviti:

Izjavu da imate najmanje 10 članova tehničkog osoblja, te dokaze za 8 članova tehničkog tima, a kojim se dokazuju obrazovne i profesionalne kvalifikacije istih.“

Drugih pitanja i zahtjeva za pojašnjenje tenderske dokumentacije od potencijalnih ponuđača nije bilo.

Na tendersku dokumentaciju nije bilo žalbe od strane potencijalnih ponuđača.

Iz Zapisnika Komisije je vidljivo da je dana 11. 02. 2020. godine u 10,15 sati održano javno otvaranje blagovremeno dostavljenih ponuda slijedećih ponuđača:

R. br.	Naziv i sjedište ponuđača	Broj prijemnog protokola	Datum i vrijeme prijema ponude
1.	FINANSIJSKI INFORMACIONI SISTEM CORE doo Sarajevo, M.Marulića 2/IV, 71000 Sarajevo (sa članom grupe ponuđača Xsoft doo, Blajburških žrtava bb, 88000 Mostar)	0101-1878/20	11.2.2020. 9:40 sati
2.	ESTABLISH d.o.o, Bulevar M.Selimovića 16, 71000 Sarajevo	0101-1879/20	11.2.2020. 9:45 sati
3.	ORBICODE d.o.o, Emerika Bluma 15, 71000 Sarajevo	0101-1883/20	11.2.2020. 10:00 sati

Na javnom otvaranju ponuda prisustvovali su predstavnici ponuđača ESTABLISH doo Sarajevo i ORBICODE doo Sarajevo..

Zapisnik sa otvaranja ponuda je isti dan uručen predstavnicima ponuđača ESTABLISH doo Sarajevo i ORBICODE doo Sarajevo, a koji su prisustvovali javnom otvaranju ponuda, te je isti dan, putem e-maila upućen na adresu ponuđača CORE doo Sarajevo (sa Xsoft doo Mostar).

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika Komisije je vidljivo da Komisija za javnu nabavku nije imala nejasnoća u ponudama ponuđača, niti je bilo grešaka u dostavljenim ponudama.

Iz Zapisnika Komisije za javnu nabavku je vidljivo da se Komisija sastajala u periodu od 11. 02. 2020. godine do 18. 02. 2020. godine, da bi utvrdila da li ponuđači CORE doo Sarajevo, ESTABLISH doo Sarajevo (sa Xsoft doo Mostar) i ORBICODE doo Sarajevo, ispunjavaju uslove iz člana 45. do 49. Zakona o javnim nabavkama koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li su kvalifikovani za izvršenje predmetne usluge.

Iz Zapisnika Komisije je vidljivo da je Komisija ponude ponuđača CORE doo Sarajevo, ESTABLISH doo Sarajevo (sa Xsoft doo Mostar) i ORBICODE doo Sarajevo, ocijenila kao prihvatljive, odnosno tehnički zadovoljavajuće, s obzirom da su ispunili sve uslove za učešće propisane članom 45. do 49. Zakona o javnim nabavkama, te sve minimalne uslove koji su utvrđeni Tenderskom dokumentacijom.

Iz Zapisnika Komisije za javnu nabavku je vidljivo da je Komisija provjerila računsku ispravnost dostavljenih ponuda i utvrdila da u ponudama ponuđača CORE doo Sarajevo, ESTABLISH doo Sarajevo (sa Xsoft doo Mostar) i ORBICODE doo Sarajevo, nije bilo računskih grešaka.

Komisija za javnu nabavku je, prema kriteriju najniža cijena, sačinila rangiranje prihvatljivih ponuda, na slijedeći način:

Redni br. na rang listi	Naziv i sjedište ponuđača FINANSIJSKI INFORMACIONI SISTEM	Ponuđeni popust	Ukupna cijena ponude
1.	ORBICODE d.o.o, Emerika Bluma 15, 71000 Sarajevo	0,00 KM	360.000,00 KM bez PDV-a Nema popusta 61.200,00 KM = PDV 421.200,00 KM sa PDV-om
2.	CORE doo Sarajevo, M.Marulića 2/IV, 71000 Sarajevo (sa Xsoft doo Mostar)	0,00 KM	379.000,00 KM bez PDV-a Nema popusta 64.430,00 KM = PDV 443.430,00 KM sa PDV-om
3.	ESTABLISH d.o.o, Bulevar M.Selimovića 16, 71000 Sarajevo (sa Xsoft doo, Blajburških žrtava bb, 88000 Mostar)	0,00 KM	400.000,00 KM bez PDV-a Nema popusta 68.000,00 KM = PDV 468.000,00 KM sa PDV-om

Iz Zapisnika Komisije je vidljivo da u predmetnom postupku javne nabavke nije bilo potrebe za podnošenjem zahtjeva za objašnjenje cijene ponude.

Komisija za javnu nabavku je dala preporuku Rektor u da za nabavku robe: FINANSIJSKI INFORMACIONI SISTEM, donese odluku o izboru najpovoljnijeg ponuđača i dodijeli ugovor ponuđaču ORBICODE doo, Emerika Bluma 15, 71000 Sarajevo, čija ponuda je u skladu sa kriterijem najniža cijena tehnički zadovoljavajuće ponude, ocijenjena kao najpovoljnija sa

ukupnom cijenom ponude od 360.000,00 KM bez PDV-a (slovima: tristotinešezdesethiljadaKM i 00/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćen je prijedlog Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

REKTOR


Prof. dr. Rifat Škrijelj



Dostaviti:

- ORBICODE doo, Emerika Bluma 15, 71000 Sarajevo
- CORE doo, M.Marulića 2/IV, 71000 Sarajevo
- ESTABLISH doo, Bulevar M.Selimovića 16, 71000 Sarajevo
- Prorektor za finansije
- Služba za računovodstvo i finansije
- Generalni sekretar
- Služba za javne nabavke
- web stranica UNSA
- a/a

Prilog: Zapisnik o pregledu i ocjeni ponuda